

豫

章

焚

書

第一六冊

揭文安公詩集卷三

元 揭傒斯 曼碩

南城懷古四首

石鼓

孔廟頽墻下周宣石鼓眠苔分敲火迹雨洗篆蝸涎
野老偷爲日居人打賣錢有形終亦盡流落謾堪憐
鼓十其一爲民間盜爲日有司追索得之

銅儀宋沈存中所鑄

法像坤儀重來從汴水遷飛龍纏四極黃道界中天
望絕秋毫末循環太古前荒臺明月夜應有淚潺湲

憫忠寺

虛閣十餘尋征遼萬古心佛臨青野濶塔並畫欄陰
鳥雀簷間老風雲地上深同時貞觀盛西北有高岑

長春宮

古樹縈紆入深宮結構牢鑿池通水遶壘土築雲高
輦路行馴鶴神霄戴巨鰲應逢王母使時此獻蟠桃
車駕時幸此宮

京城閒居雜言八首

都城列萬雉樓觀並飛霞太液深蕩潏廣寒高嵯峨
重譯踰萬國流聲竟四遐旣寵瑰異才復保勲舊家

忠厚跂行輩明照徹羲娥永惟皇上德世世襲享嘉
冀北多良馬漁陽多壯士馬休伏槽櫪壯士襲農器
桑棗竟中州朝貢四方至外無烽燧警內有耳目寄
逍遙放良時歡樂永不替

濟濟從臣內赫赫公與侯伊昔從我皇守邊瀚海頭
荷戈十餘載力戰如已憂寸策無遺用長智少淹留
勞多必重賞功大靡輕酬意氣相傾動恩深身若浮
天子乘六龍垂衣臨九州茅土亘河山甲第隘莊趙
四海仰光耀出入擁華駟富貴歟如此寵祿信難侔
從軍亦云苦眷言享斯丘

朝從獵城南暮從獵城北白馬踰飛翰輕裘如膏澤
塵起知獸駭風高驗鳥疾隻箭落雙鷺千金出俄刻
歸來拜恩寵樂飲過一石僮奴爭意氣賓客改顏色
常恐文達士輕薄多瑕擿高門臨廣衢秋風上荆棘
朔土高且厚民生勁而彊榆柳雖弱質生植益繁昌
桃李大於卷棗栗充餽糧誰謂苦寒地百物莫得傷
青青雲夢竹宿昔傲雪霜移植於此庭不如枌與楊
竹性豈有改由來非本鄉

渺渺寒門士客遊燕薊城上無公卿故下無舊友朋
裘葛不自蔽藿食空營營四顧災沴餘但聞號哭聲

日負道德懿敢懷軒冕榮節食慎所欲聊以厚我生
高步覽九州誰獨無與親同室不相喻矧彼途路人
誘誑更驅迫巧詐日眩真共美爲善樂莫知與善隣
未足保厥躬已謂貽子孫一言易爲義一恩易爲仁
世無魯東叟何以慰心神

哀飈驚野草日夜委鮮敷嗟哉白楊樹高高凌玄虛
朝遊車馬中夕息思故廬塵襟難爲潔野性非京都
貧賤不自保焉能戀簪裾賴有死與生可齊賢與愚

雨渡橋干嶺

秣馬洪贊館振衣橋干嶺先王昔巡幸雲雨空蒼然

諸峰何冥冥，高秋聞杜鵑。危瞻劃天石，渴俯絕壑泉。
草木多異名，道路少攀緣。如覩開關初，况值昇平年。
不恨沾衣裳，但恐情慮遷。歸從故老說，矯首空蒼烟。

次龍門

龍門千餘仞，十里去雲州。奔湍從中來，疑是黃河流。
嵌嵌壁面削，颯颯寒風秋。老藤天上垂，瑤草雲間浮。
仰面不敢視，愴然使人愁。夜雨更厲急，渴車濡雙輜。
連聯若鴈鶩，濺沫滿衣裘。安得躋其巔，采藥忘我憂。
豁達望三都，表裏眺九丘。金芝忽盈把，飛過故山頭。

偏嶺作

已過泉子峰頭路荒甸茫茫碧草乾日暮不收牛馬
亂青煙起處昇官盤

金衣翠帽路傍女踢足連聲駕犢車車下晝眠車上
宿每逢水草便爲家

還宿灤河嘴望行宮

宮在白海上

下馬河邊市遙瞻海上宮水天涵野白禁樹擁雲紅
望幸羣黎切思歸獨客窮聖恩疎酒令暫得醉歌同
時有旨特放灤河酒禁

去婦詞

江東有一士子留都下三年適娶一貴人女

爲妻久乃知其已有妻子矣一夕逃去因託
去婦爲之詩非徒欲傳其事抑以示風戒云
爾

輕合鮮義終苟容希禮遇遠結萬里婚多爲才名誤
始與君結好不知君有婦有女嫁他人俱懷託遲暮
青青墻下草生死墻下路娟娟道傍華零落無處所
女子失其身何以保貞素旣乖百年意百年誰能度
對鏡空悲惜中心良難訴浮萍爲誰託一木無兩附
棄舊屬新歡新歡漸成故甯當中道折莫被他人去
寧老阿母傍不受他人妬騰身出房闥兩絕無復顧

不願嫁他人甘心西山樹

四友詩

四友者廣信王廷玉良仲臨川李商弼良佐
武昌盧廷鸞子儀同里熊坦從正也李亡已
七年餘亦亡二三年予索居京師每夕夢寐
與四友相接傷其皆賢而無壽又與予篤好
迺作四友詩一以誌予哀一以槩見其平生
云李得年二十二盧二十九熊三十四惟王
四十九

王兄負奇偉十四已應門倉卒遘閔凶盜賊蔽丘原

衰經從伯父慷慨安其人豪橫劇狼虎瞋目莫敢于
降心相款密共稱孺子賢時應州縣役調笑官長尊
爵接雖靡監講習日多聞激烈忠憤際委曲禮法間
時平俗亦康故志農圃言有集曰浮湖感龍變嘗泛
圖課見龍遂肆意墨龍悟解負絕陟巘思鳶騫古笛振哀鏤清琴繁素
絃每傷古人逝迸淚尊酒前與我初識面已誓爲弟
昆誰謂天不仁中路遂離分寥寥昂山阿黝黝硯井
泉賓客一以散託夢與招魂

嘉木不叢生猶爲造化欺繁霜凋其葉震雷蕩其枝
利蟲齧其根飢禽啄其皮豈無雨露滋不得干雲霓

李氏年弱冠博通王氏詞援毫捷飛電吐氣烈豹螭
信如海上潮直若琴上絲朗如九秋月溫比三春暉
志在躋聖賢寧復顧所私一悟生滅理天地忽若遺
君卒時一日晨興有數道人叩門謁求作白蓮庵記
君援筆而就大爲得意有頃忽奄然坐逝父母聞而
趨哭之迎謂父母曰某兄弟幸多死生命也勿以爲
憂旣瞑一道人撫其背曰檀越檀越生好處生好處
復瞳目視道人厲聲曰佛法本無生滅遂卒癸亥
卯二月也葬時衆舁出城初重不勝忽輕如羽顏回
蚤聞道短折非所悲茫茫後死者終夜獨漣洏

武昌故舊中盧生亦奇傑雄才傲當世高誼凌白日
貧賤有相知富貴莫能折冠蓋如雲霧而獨與予密
大德七年夏予有長沙役臨河與予別攬袂久鳴咽

知心託生死誰能此離別千里竟相從風波復炎熱
青天入酒盃歌笑中夜激使欲乘滄溟迢遙送華髮
行行亦云至終當與君拆捨棹卽長途惆悵如永訣
謂如平生懷時俗莫能達學不追古人終不願有室
還聞起分教小邑傍蕭索始爲賢者哀那知遽淪沒
樊山罷歡讌赤壁空流月佇立想音容音容一何濶
親友日凋謝況我情所鍾熊子三十餘亦在九原中
高才祇促齡積善適爲凶天道不可依人命如飛蓬
夢寐常相見炯若生相從亦知心不異矧復里閭同
始知掾韶學我心實忡忡歸來已三年微疾竟永終
薄祿不救飢一官非高崇獨令君子亡碧血冷秋風

鄰曲恩愛絕山川談笑空名家失金匱榜牒入公宮
誰復繼溫粹徒用想春容千秋隴山路繚繞劒池東
送郭祥卿架閣還姑蘇省覲赴廣德幕府選爲

中書禮部不就

不作東曹掾都門首路新微官甯佐郡久客轉思親
船入淮雲曉家連海樹春別離驚歲月愧爾獨歸人
送虞德脩

管仲相齊國九合開基圖拔才筦庫中迺至七十餘
虞君丞相後况復聖明朝青年賢才譖白髮沉下僚
下僚不敢違王事不敢遲五月日如火獻賦來京師

有弟若班馬出入承明下天子親重之今無古猶寡
乾坤再開闢乃得會音形夜語恒達旦歡意旣平生
朔風塞上來長橋綠如洗浮雲盡南征吾行何由止
弟當奉明主一心致貢禹相送東郭門翩然隔燕楚
謁告南歸夜過安民亭有懷甯志道

志道以延祐三年秋從程翰林南歸舟過于
此夜醉溺死至今藁葬山下

日暮雲寒煙水光故人於此濯滄浪河流空遶青山
下誰與孤墳酌一觴

是夕夢故人吳東之淒然感懷

故人別我邯鄲去七年死葬邯鄲路夜泊梁山灤口
船夢魂彷彿君相遇平生怪君寒且癯夢君還似別
君初孤鶴陵嶒霄漢上枯松偃蹇雪霜餘少年讀書
晚聞道獨抱窮愁客中老廣平故尉今何如年年還
拜墳前草

廣平尉明安答兒讀書好義人也收葬之

徐州對酒和曾編修

黃樓不可爲我居黃河不可爲我酒滿眼青青河上
山不得持取爲君壽願君永相好重是平生友常恐
生別離令人惡懷抱君看天上月照人豈長好惟有
戲馬臺坐送行人老勸君有酒且滿飲明日開船不

須早自古英雄得志人未遇猶爲酒家保

宿寶應

此縣經過數中年感慨增繫舟喧白浪聞笛暗寒燈
時俗隨同異文章任愛憎平生江海上——賴良朋
高郵夜泊讀曾可則詩集

水濶雲寒燈影孤新詩讀罷意何如玉門關冷低鴻
鴈青草湖深啼鷓鴣精衛有愁填碧海嫦娥無夢鎖
青虛明朝二十四橋路誰識春風舊酒壚

烈山和曾編修

江心孤石啟禪扉四面層層盡釣磯浪破忽隨平地